

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 69. sjednici, održanoj dana 14.08.2020. godine, d o n o s i

## ZAKLJUČAK

### I.

Usvaja se Izvještaj Ministarstva za rad, socijalnu politiku i izbjeglice o namjenskoj potrošnji sredstava, odnosno izvršenju budžeta u Ministarstvu za prvo polugodište 2020. godine i čini sastavni dio ovog zaključka.

### II.

Zaključak stupa na snagu danom donošenja.

**PREMIJER**

*Mirza Ganić*

Broj: 02-\_\_\_\_\_ /20

Datum, 14.08.2020. godine

Zenica

DOSTAVLJENO:

1x Ministarstvo za rad, socijalnu politiku i izbjeglice,

1x Ministarstvo finansija,

1x a/a.



## IZVJEŠTAJ O NAMJENSKOM UTROŠKU SREDSTAVA ZA PERIOD 01.01. - 30.06.2020. GODINE

U skladu sa Programom utroška sredstava planiranih Budžetom Zeničko-dobojskog kantona za 2020. godinu u Ministarstvu za rad, socijalnu politiku i izbjeglice, broj: 02-11-1601/20 od 30.01.2020. godine i izmjenama Programa utroška sredstava, broj: 02-11-6331/20 od 08.05.2020. godine i 02-11-10814/20 od 26.06.2020. godine, na pozicijama „Tekući transferi pojedincima“ – ekonomski kod 614200, „Tekući transferi neprofitnim organizacijama“ – ekonomski kod 614300, „Kapitalni transferi pojedincima“ – ekonomski kod 615200 i „Nabavka stalnih sredstava u obliku prava“ – ekonomski kod 821500 planirana su sredstva u ukupnom iznosu od 28.306.000 KM.

Pregled namjenskog utroška sredstava u Ministarstvu za rad, socijalnu politiku i izbjeglice, za period 01.01.-30.06.2020. godine, u dijelu koji se odnosi na pozicije: „Tekući transferi pojedincima“, „Tekući transferi neprofitnim organizacijama“, „Kapitalni transferi pojedincima“ i „Nabavka stalnih sredstava u obliku prava“ dat je u Tabeli br. 1.

**Tabela br. 1**

Ekonomski kod i subanalitika	Naziv pozicije budžeta	Rebalans budžeta za 2020. godinu	Izvršenje Budžeta jan - juni 2020	%
1	2	3	4	5
<b>614200</b>	<b>I Tekući transferi pojedincima</b>	<b>27.856.000,00</b>	<b>14.553.005,52</b>	<b>52,24</b>
KAD 201	Izdaci za raseljena lica	107.000,00	53.993,82	50,46
KAD 202	Sredstva za podsticaj povratka izbjeglih i raseljenih lica	15.000,00	15.847,93	105,65
KAD 203	Civilne žrtve rata	3.230.000,00	1.443.541,32	44,69
KAD 204	Smještaj u drugu porodicu	500.000,00	209.015,57	41,80
KAD 205	Naknada za porodijsko odsustvo	11.000.000,00	6.369.686,73	57,91
KAD 206	Zdravstvena zaštita neosiguranih lica	135.000,00	0,00	0,00
KAD 207	Ostali socijalni transferi	1.015.000,00	640.586,58	63,11
KAD 208	Transferi za alternativni smještaj	38.000,00	13.740,00	36,16
KAD 209	Transfer za osobe sa invaliditetom	36.000,00	12.552,07	34,87
KAD 210	Transfer za Ekonomsko socijalno vijeće i Mirovno vijeće	31.000,00	15.644,52	50,47
KAD 211	Novčana pomoć za nezaposlene porodilje	80.000,00	29.201,75	36,50
KAD 213	Smještaj u ustanove socijalne zaštite	5.050.000,00	2.709.260,41	53,65
KAD 214	Centar za djecu i odrasle osobe s posebnim potrebama Zeničko-dobojskog kantona	1.130.000,00	564.999,96	50,00
KAD 215	Stalna novčana pomoć	1.300.000,00	643.547,66	49,50
KAD 216	Osposobljavanje za život i rad	115.000,00	23.789,80	20,69
KAD 217	Dodatak na djecu	3.500.000,00	1.457.475,16	41,64
KAD 218	Jednokratna pomoć za opremu novorođenog djeteta	70.000,00	23.086,65	32,98
KAD 219	Pomoć u prehrani djeteta do 6 mjeseci i dodatna ishrana za majke - dojilje	225.000,00	109.409,90	48,63
KAD 220	Transfer za zapošljavanje	184.000,00	152.625,69	82,95
KAD 221	Poticaji zapošljavanja mladih	65.000,00	35.000,00	53,85
KAD 222	Transfer za Memorijalni centar Srebrenica	30.000,00	30.000,00	100,00

<b>614300</b>	<b>II Tekući transferi neprofitnim organizacijama</b>	<b>65.000,00</b>	<b>20.000,00</b>	<b>30,77</b>
KAX 002	Transferi udruženjima	40.000,00	0,00	0,00
	Tekući transfer za Crveni križ	20.000,00	20.000,00	100,00
KAX 003	Transferi iz prihoda za Dječiju nedjelju	5.000,00	0,00	0,00
<b>615200</b>	<b>III Kapitalni transferi pojedincima</b>	<b>135.000,00</b>	<b>5.000,00</b>	<b>3,70</b>
KAD 202	Sredstva za podsticaj povratka izbjeglih i raseljenih lica	135.000,00	5.000,00	3,70
<b>821500</b>	<b>IV Nabavka stalnih sredstava u obliku prava</b>	<b>250.000,00</b>	<b>0,00</b>	<b>0,00</b>
KAD 202	Sredstva za podsticaj povratka izbjeglih i raseljenih lica	250.000,00	0,00	0,00
<b>UKUPNO: I+II+III+IV</b>		<b>28.306.000,00</b>	<b>14.578.005,52</b>	<b>51,50</b>

### **1. Izdaci za raseljena lica – KAD 201**

Budžetom za 2020. godinu planirana su sredstva u iznosu od 107.000,00 KM za podmirenje osnovnih potreba raseljenih osoba i izbjeglica koje su smještene u objektima za smještaj raseljenih osoba koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici). Sa ovim sredstvima Ministarstvo je izvršavalo zakonske obaveze plaćanja sljedećih obaveza:

- Režijski troškovi (električna energija, grijanje, komunalne usluge, održavanje objekata) u ukupnom iznosu od 19.721,19 KM;
- Sahrane u iznosu od 672,63 KM;
- Kućna njega u iznosu od 30.000,00 KM;
- Jednokratne pomoći za ukupno 14 raseljenih osoba i povratnika (nabavka ogrjeva, liječenje) u iznosu od 3.600,00 KM.

U izvještajnom periodu januar – juni 2020. godine sa ove pozicije utrošena su sredstva u ukupnom iznosu od 53.993,82 KM.

### **2. Sredstva za podsticaj povratka raseljenih lica i izbjeglica – KAD 202**

Budžetom za 2020. godinu planirana su sredstva u iznosu od 15.000,00 KM na poziciji Sredstva za podsticaj povratka raseljenih lica i izbjeglica. Ova sredstva su planirana za provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih osoba i održivost povratka.

U izvještajnom periodu januar – juni 2020. godine sa ove pozicije utrošena su sredstva u iznosu od 15.847,93 KM. Sredstva su odobrena:

- za renoviranje stambenog objekta Pejinović Franje iz Žepča u iznosu od 5.827,93 KM;
- za renoviranje stambenog objekta Cvijanović Samojka iz Doboja u iznosu od 5.000,00 KM;
- za renoviranje stambenog objekta Alispahić Bege iz Olova u iznosu od 5.020,00 KM.

### **3. Civilne žrtve rata – KAD 203**

Za isplatu naknada civilnim žrtvama rata u Budžetu Zeničko-dobojskog kantona planirana su sredstva u iznosu 3.230.000,00 KM.

Finansiranje ovog prava je po modelu - 30% planiranih sredstava iz Budžeta Zeničko-dobojskog kantona u iznosu od 930.000,00 KM i 70% planiranih sredstava iz Budžeta Federacije BiH u iznosu od 2.300.000,00 KM.

U izvještajnom periodu januar – juni 2020. godine za ovu namjenu utrošena su sredstva u iznosu od 1.443.541,32 KM i to iz Budžeta Kantona izdvojeno je 422.181,82 KM, a iz Budžeta Federacije BiH 1.021.359,50 KM. Finansirano je 776 civilnih žrtava rata koje ostvaruju naknade za 938 prava, tj.

prava na: ličnu invalidninu, pravo na ortopedski dodatak, pravo na dodatak za tuđu njegu, pravo na porodičnu invalidninu i pravo na mjesečno lično primanje.

#### **4. Smještaj u drugu porodicu – KAD 204**

Budžetom za 2020. godinu planirana su sredstva u iznosu od 500.000,00 KM.

Na ovaj način obezbijedena je socijalna zaštita, odnosno zbrinjavanje djece i odraslih lica kojima je potrebna stalna briga i pomoć radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način.

Za smještaj u drugu porodicu u izvještajnom periodu januar - juni 2020. godine utrošena su sredstva u iznosu od 209.015,57 KM, za isplatu naknada hraniteljima za održavanje 80 hranjenika u prosjeku.

#### **5. Naknada za porodiljsko odsustvo - KAD 205**

U Budžetu za 2020. godinu za ovu namjenu planirana su sredstva u iznosu od 11.000.000,00 KM. Ovim sredstvima finansira se naknada plaće ženi majci u radnom odnosu kao i svi doprinosi i porezi u skladu sa Kantonalnim zakonom.

Za ovu namjenu u izvještajnom periodu utrošena su sredstva u iznosu od 6.369.686,73 KM, za isplatu naknada u prosjeku za 1.345 porodilja.

#### **6. Zdravstvena zaštita neosiguranih lica - KAD 206**

Budžetom za 2020. godinu na ovoj poziciji planirana su sredstva u iznosu od 135.000,00 KM.

Za finansiranje zdravstvenog osiguranja lica koja nemaju zdravstveno osiguranje po nekom drugom osnovu u periodu januar - juni 2020. godine iz Budžeta Ministarstva nisu utrošena sredstva.

#### **7. Ostali socijalni transferi - KAD 207**

Budžetom za 2020. godinu planirana su sredstva u iznosu od 1.015.000,00 KM - ekonomski kod 614200. Ova sredstva su namijenjena za provođenje interventnih mjera i aktivnosti socijalno-zaštitnog karaktera u oblastima iz nadležnosti i odgovornosti ovog ministarstva.

Za ovu namjenu u izvještajnom periodu januar - juni 2020. godine utrošena su sredstva u ukupnom iznosu od 640.586,58 KM, i to za:

Pomoć javnim humanitarnim kuhinjama	120.000,00 KM
Medica - Projekat „Sigurna kuća za žene i djecu – žrtve nasilja u porodici i zajednici za područje Zeničko-dobojskog kantona	27.360,00 KM
Plaćanje troškova medicinskog vještačenja Institutu za medicinsko vještačenje u postupku ostvarivanja prava iz oblasti civilnih žrtava rata	273,78 KM
Pomoć za plaćanje troškova stanovanja osobama koje su usljed prirodne nesreće izmještene iz svojih domova u ZDK	14.670,00 KM
Sufinansiranje stambenog zbrinjavanja u stanovima namijenjenim za socijalno-neprofitno stanovanje	920,44 KM
Podrška u pokrivanju dijela troškova sahrana/dženaza	19.384,05 KM
Pomoć centrima/sluzbama	103.187,50 KM
U izvještajnom periodu od strane Ministarstva i Vlade urađeno je ukupno 180 zaključaka, kojima se odobrila jednokratna novčana pomoć socijalno-intervenirajućeg karaktera pojedincima i porodicama za pokrivanje troškova liječenja, ublažavanje teške materijalne situacije, nabavku ortopedskih pomagala i prevazilaženje drugih okolnosti stanja socijalne potrebe	130.265,00 KM

Odlukama Vlade odobrena su sredstva za penzionisanje radnika preduzeća KTK Visoko, Krivaja Mobil Zavidovići, Rudstroj Kakanj i "Polet" dd Zenica	192.155,01 KM
Sindikalna podružnica dd Zenicatrans prevoz putnika	25.800,00 KM
Savez udruženja penzionera/umirovljenika ZDK	2.000,00 KM
Udruženje gluhih i nagluhih sportista u ZDK	1.555,00 KM
JU Centar za djecu i odrasle osobe s posebnim potrebama ZDK	2.855,00 KM
JU Kantonalna bolnica Zenica - troškovi pregleda za mlđb Almina Ramića	160,80 KM
<b>UKUPNO:</b>	<b>640.586,58 KM</b>

### **8. Transfer za alternativni smještaj – KAD 208**

Budžetom za 2020. godinu planirana su sredstva u iznosu od 38.000,00 KM za plaćanje stanarine raseljenim osobama sa priznatim pravom na privremeni smještaj.

U izvještajnom periodu januar - juni 2020. godine utrošeno je 13.740,00 KM, za finansiranje alternativnog smještaja za 20 porodica.

### **9. Transfer za osobe sa invaliditetom – KAD 209**

Budžetom za 2020. godinu planirana su sredstva u iznosu od 36.000,00 KM. Ova sredstva su namijenjena za refundaciju troškova pregleda kod Instituta za medicinsko vještačenje za osobe sa invaliditetom u skladu sa Zakonom o osnovama socijalne zaštite, zaštite civilnih žrtava rata i zaštite porodice sa djecom („Službene novine FBiH, broj: 36/99, 54/04, 39/06, 14/09), kao i za finansiranje aktivnosti iz Strategije za izjednačavanje mogućnosti osoba s invaliditetom.

U toku izvještajnog perioda na ovom transferu sredstva su utrošena samo za refundaciju troškova pregleda za osobe sa invaliditetom u iznosu od 12.552,07 KM za 108 korisnika.

### **10. Transfer za Ekonomsko socijalno vijeće i Mirovno vijeće – KAD 210**

Budžetom za 2020. godinu planirana su sredstva u iznosu od 31.000,00 KM. Ova sredstva su namijenjena za finansiranje aktivnosti Ekonomsko-socijalnog vijeća i finansiranje naknade troškova člana Mirovnog vijeća izabranog sa liste članova Mirovnog vijeća.

U izvještajnom periodu januar - juni 2020. godine za ovu namjenu utrošena su sredstva u iznosu od 15.644,52 KM za održavanje četiri sjednice Ekonomsko-socijalnog vijeća.

### **11. Novčana pomoć za nezaposlene porodilje – KAD 211**

Budžetom za 2020. godinu planirana su sredstva u iznosu od 80.000,00 KM. Ovim sredstvima finansira se jednokratna novčana pomoć ženi majci koja nije u radnom odnosu, po svakom novorođenčetu.

U izvještajnom periodu januar - juni 2020. godine za ovu namjenu utrošena su sredstva u iznosu od 29.201,75 KM, za isplatu jednokratnih naknada za 197 nezaposlenih porodilja.

### **12. Smještaj u ustanove socijalne zaštite - KAD 213**

U Budžetu za 2020. godinu za ovu namjenu planirana su sredstva u iznosu od 5.050.000,00 KM. Iz ovih sredstava finansiraju se troškovi smještaja, odnosno razlika do punog iznosa cijene smještaja u ustanovama socijalne zaštite za djecu i odrasla lica kojima je potrebna stalna briga i pomoć u zadovoljavanju životnih potreba, a ne mogu ih ostvariti u vlastitoj porodici ili drugoj porodici, kao što

su: djeca bez roditeljskog staranja, djeca sa poremećajima u ponašanju, lica sa narušenim mentalnim i duševnim zdravljem, lica sa poteškoćama i invaliditetom i stara lica bez porodičnog staranja.

U izvještajnom periodu januar - juni 2020. godine, utrošena su sredstva u iznosu od 2.709.260,41 KM za troškove smještaja oko 571 štićenika u ustanovama socijalne zaštite.

### **13. Centar za djecu i odrasle osobe s posebnim potrebama Zeničko-dobojskog kantona - KAD 214**

Budžetom za 2020. godinu planirana su sredstva u iznosu od 1.130.000,00 KM.

Ovim sredstvima finansiraju se usluge dnevnog zbrinjavanja djece i odraslih osoba s posebnim potrebama, te usluga ranog podsticanja razvoja i rane intervencije djece s posebnim potrebama predškolskog uzrasta sa područja Zeničko-dobojskog kantona.

U izvještajnom periodu januar - juni 2020. godine utrošena su sredstva u iznosu od 564.999,96 KM za oko 322 korisnika usluga.

### **14. Stalna novčana pomoć - KAD 215**

Budžetom za 2020. godinu su planirana sredstva u iznosu od 1.300.000,00 KM za finansiranje stalne novčane pomoći koju lica mogu ostvariti u skladu sa Kantonalnim zakonom. Za ovo pravo 60% sredstava se finansira iz Budžeta Kantona, a 40% iz Budžeta općina.

U izvještajnom periodu januar - juni 2020. godine iz Budžeta Zeničko-dobojskog kantona za stalne novčane pomoći izdvojeno je 643.547,66 KM u prosjeku za oko 1.280 korisnika ovog prava.

### **15. Osposobljavanje za život i rad - KAD 216**

Budžetom za 2020. godinu planirana su sredstva u iznosu od 115.000,00 KM.

Finansiranjem ovog prava obezbjeđuje se rehabilitacija, obrazovanje i osposobljavanje za život slijepe i slabovidne djece, gluhe i gluhonijeme djece i djece ometene u psihofizičkom razvoju.

U izvještajnom periodu januar - juni 2020. godine utrošena su sredstva u iznosu od 23.789,80 KM u prosjeku za 25 korisnika.

### **16. Dodatak na djecu - KAD 217**

Za isplatu dječijeg dodatka u Budžetu Zeničko-dobojskog kantona planirana su sredstva u iznosu 3.500.000,00 KM. Pravo na dječiji dodatak pripada porodici sa djecom koja se neposredno brine o djetetu ili djeci, u skladu i na način kako je to propisano u Kantonalnom zakonu.

U izvještajnom periodu januar - juni 2020. godine za dječiji dodatak utrošena su sredstva u iznosu od 1.457.475,16 KM za oko 6.890 korisnika, odnosno za oko 13.329 djece koja ostvaruju pravo na dječiji dodatak.

### **17. Jednokratna pomoć za opremu novorođenog djeteta – KAD 218**

Budžetom su planirana sredstva u iznosu od 70.000,00 KM. Ovim sredstvima finansira se jednokratna pomoć za opremu novorođenog djeteta za majke porodilje koje nisu u radnom odnosu.

U izvještajnom periodu januar - juni 2020. godine, za ovu namjenu utrošena su sredstva u iznosu od 23.086,65 KM, za 197 korisnica ovog prava.

### **18. Pomoć u prehrani djeteta do 6 mjeseci i dodatna ishrana za majke - dojilje - KAD 219**

Budžetom za 2020. godinu planirana su sredstva u iznosu od 225.000,00 KM.

U izvještajnom periodu januar - juni 2020. godine, za ovu namjenu utrošena su sredstva u iznosu od 109.409,90 KM, za oko 225 korisnica ovog prava.

### **19. Transfer za zapošljavanje - KAD 220**

Budžetom za 2020. godinu odobrena su sredstva u iznosu od 184.000,00 KM. Ova sredstva su namijenjena za završetak realizacije Programa sufinansiranja zapošljavanja VSS, VŠS, SSS i KV mladih osoba bez radnog iskustva u 2018./2019. godini. U izvještajnom periodu januar - juni 2020. godine sa ovog transfera utrošena su sredstva u iznosu od 152.625,69 KM za navedenu svrhu.

### **20. Poticaj zapošljavanja mladih – KAD 221**

Budžetom za 2020. godinu planirana su sredstva u iznosu od 65.000,00 KM. Ova sredstva su namijenjena za sufinansiranje projekata zapošljavanja i samozapošljavanja sa drugim nivoima vlasti – poticaji zapošljavanja mladih. U izvještajnom periodu januar - juni 2020. godine sa ovog transfera utrošena su sredstva u iznosu od 35.000,00 KM.

### **21. Transfer za Memorijalni centar Srebrenica – KAD 222**

Budžetom za 2020. godinu planirana su sredstva u iznosu od 30.000,00 KM. U periodu januar – juni 2020. utrošena su sredstva u cjelokupnom iznosu, a na osnovu Zaključka Vlade, broj: 02-11-3787/20 od 09.03.2020. godine.

### **22. Tekući transfer udruženjima - KAX 002**

Budžetom za 2020. godinu planirana su sredstva u iznosu od 40.000,00 KM. U izvještajnom periodu januar - juni 2020. godine nisu utrošena sredstva planirana na ovoj poziciji.

### **23. Tekući transfer za Crveni križ – KAX 002**

Budžetom za 2020. godinu na ovom podtransferu planirana su sredstva u iznosu od 20.000,00 KM, za provođenje programskih aktivnosti Crvenog križa Zeničko-dobojskog kantona. U izvještajnom periodu utrošena su sredstva u cjelokupnom iznosu na osnovu Zaključka Vlade Zeničko-dobojskog kantona, broj: 02-11-4693/20 od 24.03.2020. godine, radi provođenja programskih aktivnosti Crvenog križa u 2020. godini.

### **24. Tekući transfer iz prihoda za obilježavanje “Dječije nedjelje” – KAX 003**

Budžetom za 2020. godinu planirana su sredstva u iznosu od 5.000,00 KM. U izvještajnom periodu januar - juni 2020. godine nisu utrošena sredstva planirana na ovoj poziciji.

### **25. Kapitalni transferi pojedincima – ekonomski kod 615200 – Sredstva za podsticaj povratka izbjeglih i raseljenih lica**

Budžetom za 2020. godinu planirana su sredstva u iznosu od 135.000,00 KM. U izvještajnom periodu januar - juni 2020. godine utrošena su sredstva u iznosu od 5.000,00 KM na ime učešća Zeničko-dobojskog kantona u izgradnji ulične rasvjete u MZ Vozuća, Općina Zavidovići. Sredstva su odobrena zaključkom Vlade broj: 02-11-10854/20 od 26.06.2020. godine,

**26. Nabavka stalnih sredstava u obliku prava – ekonomski kod 821500 - Sredstva za podsticaj povratka izbjeglih i raseljenih lica**

Budžetom za 2020. godinu planirana su sredstva u iznosu od 250.000,00 KM.

U izvještajnom periodu januar - juni 2020. godine nisu utrošena sredstva planirana na ovoj poziciji.

.....

Utrošak sredstava na pozicijama za namjensku upotrebu, odnosno utrošak sredstava po transferima: „Tekući transferi pojedincima“ – ekonomski kod 614200, „Tekući transfer neprofitnim organizacijama“ – ekonomski kod 614300, „Kapitalni transferi pojedincima“ – ekonomski kod 615200 i „Nabavka stalnih sredstava u obliku prava“ – ekonomski kod 821500 iznosi 14.578.005,52 KM, što je 51,50 % u odnosu na ukupno planirana sredstva Budžetom za 2020. godinu na pomenutim pozicijama.

Navedena sredstva utrošena su za planirane namjene, a u skladu sa Programom utroška sredstava planiranih Budžetom Zeničko-dobojskog kantona za 2020. godinu u Ministarstvu za rad, socijalnu politiku i izbjeglice, broj: 02-11-1601/20 od 30.01.2020. godine i izmjenama Programom utroška sredstava, broj: 02-11-6331/20 od 08.05.2020. godine i 02-11-10814/20 od 26.06.2020. godine.

S poštovanjem,

Zenica, avgust 2020. godine

